

նորա ի դիւամու և յանկրօն Պարսից յաւուրս Յազկերտի և Պերոզի, կային նոյնպէս ի նոյն բարեպաշտութեան զկնի միմեանց նաեւ թագաւորք բազումք: Հարունակութիւն այսր ոսկեզէն և բարեբաղդ դարու փոյթ ընդ հարեալ եղեւ, երբ հատուածեալն ի Պարսից Միհր Սասանեանց եմուտ յԱղուանս և զկայ առեալ անդ, կառոյց զքաղաքն Միհրանաշէն, մօտ ի քաղաքն Բարդայ, ապա խորամանկութեամբ խնամացեալ ընդ Վաչականեան թագաւորութեանց, եբարց զնոսա՝ ի կենաց և ինքն միապետեալ ընդհանուր աշխարհին որպէս Ռտէացոց նոյնպէս Աղուանից և շրջակայից նոցին: Առաւել լինէր տարաբաղդ, եթէ նովին կրուապաշտութեամբ տիրէին այնորիկ Սասանեանք, բայց վերին հրամանն ո՛չ եթող զԱղուանս ի վշտալի վիճակի, վասն որոյ շարժեաց զսիրտ Վարազ Գրիգորի ի հպատակութիւն Քրիստոնէական ճշմարիտ կրօնի, որ ի ձեռն Վիրոյ կաթուղիկոսին Աղուանից մկրտեալ եղեւ Քրիստոնեայ՝:

430 — «Աղուան հաւասար այլոց ո՛չ վերջացեալ գտաւ, նաեւ յԱստուածապաշտութենէ, քանզի աշակերտն Քրիստոսի Եղիշէ յետ մահուան առաքելոյն Թադէոսի վերադառնայ ի Հայաստանէ յերուսաղէմ, ընկալնու զձեռնադրութիւն ի Յակոբայ Տեառն եղբօրէ, գայ յաշխարհն Աղուանից սկսեալ ի ծագաց արեւելից ի քաղաքէն Չօլայ գուցէ Ղուրա, քարոզէ զՔրիստոս և զարձուցանէ զնոսա ի մոլորութենէ կոոց, կառուցանէ զեկեղեցին ի Գիշ, և ինքն կատարի սքանչելի նահատակութեամբ ի դաշտին Զարդունայ, թողլով անդ գյուղով աշակերտս և զբազմութիւ հաւատացեալ ժողովուրդս: Թէպէտ առ ժամանակ ինչ ամենի լեռնականք կարացին բառնալ ի միջոյ զհրապարակական պաշտօն Քրիստոնէական հաւատոյ, բայց բազումք ի հաւատացելոց զնկուզս և զխուզս ընդ երկրեայս արարեալ ազօթատեղի՝ ո՛չ դադարէին հանապաղ ի պաշտելոյ զԱստուած, որպիսի տեղիք ի ստորոտս Կովկասու ցարդ եւս յարգանօք պատուին ի բնակչաց, ըստ հայրենի աւանդութեանց: Յետ որոյ Ուռնայր արքայ ի ժամանակս մեծին Տրդատայ և սրբոյն Գրիգորի Հայաստանեայց Լուսաւորչի՝ ընկալեալ զհաւատս և զկրօնս ճշմարիտն Աստուծոյ և ի ձեռին ունելով զլուսաւոր ջահ Քրիստո-